



苑詩類選卷之十六

明監察御史包節輯按察司知事前給事中王交校

人事部

宴集 宿會 逢遇

○陪徐僕射勉宴

劉孝綽

夫君追宴喜十日通來過築室華池上
開軒臨芰荷芳塘交密篠對雷接繁柯
景移林改色風度水餘波洛城雖半掩
愛客待驪歌

在王晉安酒席數韻

王僧孺

窈窕宋容華彈歌有清曲轉盼非無以
斜眉幸相矚不減許飛瓊絕勝劉碧玉
何因送款款伴飲杯中醪

齊肅道遜晚春宴

邢子才

日斜賓館晚春輕
麥候初簷喧巢幕
燕池躍戲蓮魚石
聲隨流響桐影傍
巖踈誰能千里外
獨寄八行書

月下秋宴

魏収

此夕甘言宴月照
露方塗使星疑向
蜀劍氣不關吳良
交契金水上客慰
萱蘇何必應劉輦
還來遊鄴都

群公高宴

楊訓

中郎敷奏罷司隸
坐朝歸開筵引貴
客饌玉對春暉塵
起金吾騎香逐令
君衣綠酒犀為枕
鳴琴寶作微寸陰
良可惜千金本易
揮

就蒲州刺史乞酒

庾信

蕭瑟風聲慘蒼茫
雲貌愁鳥寒棲不
定池凝聚未流蒲
城桑葉落灞岸菊
花秋願持河朔飲
分勸東陵侯

後園宴

盧思道

常聞崑閬有神仙
雲冠羽珮得長年
秋夕風動三株樹
春朝露濕九芝田
不如鄴城佳麗所
玉樓銀閣與天連
太液回春千丈映
上林花樹百枝然
流風續洛渚行雲
在南楚可憐白水
神可念青樓女便
妍不羞蒞妖艷工
言語池苑正芳菲
得戲不知歸媚眼
臨歌扇嬌香出舞
衣纖腰如欲斷側
髻似能飛南樓日
已暮長簷鳥應度

竹殿遙聞鳳管聲，虹橋別有羊車路。携手傍花叢，徐步入房櫳。欲眠衣先解，半醉臉逾紅。日日相看轉，難厭千嬌萬態，不知窮。欲知妾心無劇已，明月流光滿帳中。

後渚置酒

陳叔達

大渚初驚夜，中流沸鼓鼙。寒沙滿曲浦，夕霧上耶溪。岸廣鳧飛急，雲深鴈度低。嚴關猶未遂，此夕待晨雞。

夏晚尋于政世置酒賦韻

陳子良

聊從嘉遁所，酌醴共抽簪。以茲山水地，留連風月心。長榆落照盡，高柳暮蟬吟。一返桃源路，別後難追尋。冬日宴于庶子宅，各賦一字得趣。

令狐德棻

高門聊命賞，群英於此遇。放曠山水情，留連文酒趣。夕煙起林蘭，霜枝殞庭樹。落景雖已傾，歸軒幸能駐。

得盃

于志寧

陋巷朱軒擁，衡門綆騎來。俱裁七步詠，同傾三雅杯。色動迎春柳，花發犯寒梅。賓筵未半醉，驪歌不用催。

得鮮

劉孝孫

解襟遊勝地，披雲促宴筵。清文振筆妙，高論寫言泉。凍柳含風落，寒花照日鮮。驪歌雖欲奏，歸駕且留連。

得歸

許敬宗

倦遊嗟落拓短翮慕追飛周醪忽同醉牙絃乃共揮
油雲淡寒色落景藹霜霏累日方投分茲夕諒無歸

得平

岑文本

金蘭篤惠好尊酒暢生平既欣投轄賞暫緩望鄉情
愛景含霜晦落照帶風輕於茲歡宴洽寵辱詎相驚

得節

杜正倫

李門余妄進徐榻君恒設清論暢玄言雅琴飛白雪
寒雲曉落景朔風淒暮節方欣投轄情且駐當歸別

得色

封行高

夫君敬愛重歡言情不極雅引發清音麗藻窮雕飾
水

結曲池冰日暖半亭色引滿既杯傾終之以弁側

晦日宴高氏林亭同用華字

高正臣

正月符嘉節三春玩物華忘懷寄尊酒陶性狎山家
柳翠含煙葉梅芳帶雪花光陰不相惜遲遲落景斜

又

崔知賢

上月河陽地芳辰景望華綿蠻變時鳥照曜起春霞
柳搖風處色梅散日前花淹留洛城晚歌吹石崇家

又

韓仲宣

欲知行有樂芳尊對物華地接安仁縣園是季倫家
柳

處雲疑葉梅開雪似花日落歸途遠留興伴煙霞

又

趙彥昭

勝地臨雞浦高會偶龍沙御柳驚春色仙筇掩月華門
邀千里馭杯泛九光霞日落山亭晚雷送七香車

又

高球

溫洛年光早皇州景望華連鑣尋上路乘興入山家輕
苔網危石春水駕平沙賞極林塘暮處處起煙霞

又

弓嗣初

上序春暉麗中園物候華高才盛文雅逸興滿煙霞參
差金谷樹皎鏡碧塘沙蕭散林亭晚倒載欲還家

又

高瑾

試入山亭望言是石崇家二月風光起三春桃李華鶯
吟上喬木鴈往息平沙相看會取醉寧知還路賒

又

王茂時

勝踐尋良會乘春翫物華還隨張放友來向石崇家止
水分巖鏡開庭枕浦沙未極清泉賞參差落照斜

又

徐皓

綺筵乘暇景瓊醕對年華門多金埒騎路引璧人車蘋
早猶藏葉梅殘正落花藹藹林亭晚餘興泛流霞

又

長孫正隱

晦晚屬煙霞遨遊重歲華歌鍾雖戚里林藪是山家
細雨猶開日山池不漲沙淹留迷處所巖岫幾重花

又

高紹

笑侶入山家臨春玩物華葛絲調綠水桂醕酌丹霞
岸柳開新葉庭梅落早花興洽林亭晚方還列載車

又

郎餘令

三春休晦節九谷泛年華半晴餘細雨全晚淡殘霞
尊開踈竹葉管應落梅花興闌相顧起流水是香車

又

陳嘉言

公子申敬愛携朋玩物華人似平陽客地即石崇家水

又生舊圃風色滿新花日暮連歸騎長川照晚霞

又

周彥暉

砌莫收晦魄津柳競年華既狎忘筌友方淹投轄車
綺楚迴舞雪瓊醕泛流霞雲低上天晚絲竹帶風斜

又

高嶠

飛觀寫春望開讌坐汀沙積溜含苔色晴空蕩日華
歌入平陽第舞對石崇家莫羨能騎馬投轄自停車

又

周思鈞

早春驚柳燧初晦掩萸華騎出平陽里筵開衛尉家
竹影含雲密池紋帶雨斜重惜林亭晚上路滿煙霞

又

劉友賢

春來日漸賒琴酒逐年華欲向文通徑先遊武子家池
碧新流滿岩紅落照斜興闌情未極步步惜風花

又

解琬

主第簪裾出王畿春照華山亭一以眺城闕帶煙霞橫
堤列錦帳傍浦駐香車歡娛屬晦節醕酎未還家

又

張錫

雪盡銅駝路花照石崇家年光開柳色池影汎雲華賞
洽情方遠春歸景未賒欲知多暇日尊酒漬澄霞

又

王勣

上序披林館中京視物華竹窓低露葉梅徑起風花景
落春臺霧池侵舊渚沙綺筵歌吹晚暮雨泛香車

晦日重宴高氏林亭

凡八人皆以池字為韻

高正臣

芳辰重遊行乘景共追隨班荆陪舊識傾蓋得新知水
葉分蓮沼風花落柳枝自符河朔趣寧羨山陽池

又

韓仲宣

鳳苑先吹晚龍樓夕照披陳遵已投轄山公正坐池落
日催金奏飛霞送玉卮此時陪綺席不醉欲何為

又

弓嗣初

年華藹芳隰春溜滿新池促賞依三友延歡寄一卮鳥
聲隨管變花影逐風移行樂方無極淹留惜晚曦

又

高瑾

忽聞鶯響谷於此命相知正開彭澤酒來向高陽池柳
葉風前弱梅花影處危賞洽林亭晚落照下參差

又

陳嘉言

高門挂冠蓋下客抱支離綺席珍羞滿文場藻翰摘
華彫上月柳色藹春池日斜歸戚里連騎勒金羈

又

周彥暉

春華歸柳岸晦景落萸枝置驛銅街右開筵玉浦隴林

煙含障密竹雨帶珠危興闌巾倒戴山公下習池

又

高嶠

駕言尋鳳侶乘歡俯鴈池班荆逢舊識斟桂喜深知紫
蘭方出徑黃鶯未轉枝別有陶春日青天雲霧披

又

周思鈞

綺筵乘晦景高宴下陽池濯雨梅香散含風柳色移輕
塵依扇落流水入絃危勿顧林亭晚方歡雲霧披

上巳浮江宴韻得卍字

王勃

披觀玉京路駐賞金臺趾逸興懷九仙良辰傾四美松
吟白雲際桂馥清谿裏別有江海心日暮情何已

又得逸字

前人

上巳年光促中川興緒遙綠齊山葉滿紅洩片花銷泉
聲喧後澗虹影照前橋遽悲春望遠江踞積波潮

聖泉宴韻得泉字

前人

披襟乘石磴列籍俯春泉蘭氣薰山酌松聲韻野絃影
飄垂葉外香度落花前興洽林塘晚重巖起夕煙

春日宴樂遊園賦韻得接字

前人

帝里寒光盡神臯春望淡梅郊落晚英柳甸驚初葉流
水抽竒弄崩雲洒芳牒清尊湛不空暫喜平生接

宴梓南亭得池字

盧照鄰

二條開勝跡大隱叶冲規亭閣分危岫樓臺遶曲池長
薄秋煙起飛梁古蔓垂水鳥翻荷葉山虫交桂枝遊人
惜將晚公子愛忘疲願得迴三舍琴尊常若斯

三月曲水宴得園字

前人

風煙彭澤里山水仲長園由來棄銅墨本自重琴尊高
情邈不嗣雅道今復存有美光時彥養德坐山樊門開
芳杜逕室距桃花源公子黃金勒仙人紫氣軒長懷去
城市高詠狎蘭蓀連沙飛白鷺孤嶼嘯玄猿日影岩前
落雲花江上翻興闌車馬散林塘夕鳥喧

和前得煙字

王勃

彭澤官初去河陽賦始傳田園歸舊國詩酒間長筵列
室窺丹洞分樓瞰紫煙縈迴亘津渡出沒控郊鄗鳳琴
調上客龍轡儼群仙松石偏宜古藤蘿不記年重簷交
密樹複磴擁危泉抗石踰南嶺乘沙眇北川傳巖來築
處磻溪入釣前日斜真興遠幽楚思涼蟬

與越僧辯才飲賦得招字 蕭翼

邂逅款良宵殷勤荷勝招彌天俄若舊初地豈成遙醪
蟻傾還泛心猿躁似調誰憐失羣翼長苦業風飄

與蕭翼飲得來字 僧辯才

初醞一缸開新知萬里來披雲同落莫步月共徘徊夜
久孤琴思風長旅鴈哀非君有秘術誰照不然灰

初秋登王司馬樓宴賦得同字

駱賓王

展驥端居暇登龍嘉宴同締賞三清滿承恩六義通野
晦寒陰積潭虛夕照空顧慚非夢鳥濫此廁雕虫

冬日宴

前人

二三物外友一百杖頭錢賞洽袁公地情披樂令天促
膝鸞觴滿當爐獸炭燃何須攀桂樹逢此自留連

春日宴宋主簿山亭得寒字

宋之問

公子正邀懽林亭春未闌攀巖踐苔易迷路出花難窓
覆垂楊暖階侵瀑水寒帝城歸路直留興接鴛鸞

春日鄭協律山亭陪宴餞鄭卿同用樓字

前人

潘園枕郊郭愛客坐相求尊酒東城外驂駢南陌頭池
平分洛水林缺見嵩丘暗竹侵山徑垂楊拂妓樓綵雲
歌處斷遲日舞前留此地何年別蘭房空自幽

同劉給事城南宴集

張說

水竹幽閒地簪纓近侍臣雍容乘暇日瀟灑出罍塵樹

長秋朋鳥池深入養鱗管絃高逐吹歌舞妙含春老子
叨專席歡遊隔縉紳此中情不淺遙寄賞心人

鳳閣尋勝地

前人

西掖持醇酒東山就白雲開軒綠池映命席紫蘭芬舞
度花為伴鶯來管作群太平多樂事春物共氣氲

藥園宴武洛沙將軍得洛字

前人

東第乘餘興南園宴清洛文學引鄒枚歌鍾陳衛霍風
高大夫樹露下將軍藥待聞出塞還丹青上麟閣

奉蕭中令酒并詩

前人

樂奏天恩滿杯來秋興高更蒙蕭相國對席飲醇醪

廣州蕭都督入朝過岳州宴餞得冬字

前人

孤城抱大江節使往朝宗果是臺中舊依然水上逢京華遙比日疲老颯如冬竊羨能言鳥銜恩向九重

岳州宴姚紹之

前人

杞梓滯江濱光華白日新難兄金作友媚子玉為人山水含秋興池亭借善鄰簷松風送靜院竹鳥來馴翠掌吹黃菊瑀盤鱠紫鱗緩歌將醉舞宜拂綉衣塵

秋社日崇讓園宴得新字

蘇頲

鳴爵三農稔勾龍百代神運昌叨輔弼時泰喜黎民樹缺池光近雲開日影新生全應有地長願樂交親

寒食宴于中舍別駕兄弟宅

前人

子推山上歌龍罷定國門前結駟來始覩元昆鏘玉至旋聞季子佩刀回晴花處處因風起御柳條條向日開自有長筵歡不極還將綵服詠南陔

天津橋東旬宴得歌字

張九齡

清洛象天河東流形勢多朝來逢宴喜春盡却妍和泉鮪歡時躍林鶯醉後歌賜恩頻若此為樂柰人何

宴越府陳法曹西亭

孫逖

公府西巖下紅亭間白雲雪梅初度臘煙竹稍迎曛泉
水涵澄影簾櫳引霽氛江南歸思逼春鴈不堪聞

秋同賀監林月清酌

王灣

華月當秋滿朝軒假興同淨林新霽入窺院早涼通碎
影行筵裏搖花落酒中清宵凝爽意併此助文雄
和韋和尚兄春日南亭宴兄弟

前人

臺閣升高位園林隔舊鄉忽聞歌棣萼還比報瓊芳門
向宜春近郊連御宿長德星常有會相望在文昌

夏日與崔二十一同集衛明府席

孟浩然

言避一時暑池亭五月開喜逢金馬客同飲玉人杯舞
鶴乘軒至遊魚擁釣來坐中殊未起簫管莫相催

盧明府早秋宴張郎中海園即事得秋字

前人

邑有絃歌宰翔鸞已狎鷗眷言華省舊暫拂海池遊鷺
島藏深竹前溪對舞樓更聞書即事雲物是清秋

宴包二融宅

前人

閒居枕清洛左右接人野門庭無雜賓車轍多長者是

時方盛夏風物自瀟洒五月休沐歸相携竹林下開衿
成歡趣對酌不能罷煙暝棲鳥迷余將歸白社

宴張記室宅

前人

甲第金帳館門庭軒騎多家封漢陽郡文會楚材過曲
島浮觴酌前山入詠歌妓堂花映發書閣柳逶迤玉指
調箏柱金泥飾舞羅寧知書劍者歲月獨蹉跎

襄陽公宅飲

前人

窈窕夕陰佳丰茸春色好欲覓淹留處無過狹斜道綺
席卷龍鬚香杯浮瑪瑙北林積脩樹南池生別島手撥
金翠花心迷玉紅草談天光六義發論明三倒座非陳

子鷺門還魏公掃榮辱應無間歡娛當共保

臨渙裴明府席遇張十一房六

前人

河縣柳林邊河橋晚泊船文叨才子會官喜故人連笑
語同今夕輕肥異往年晨風理征棹吳楚各悠然

流夜郎至江夏陪長史牀及薛明府宴興德

寺南閣

李白

紺殿橫江上青山落鏡中岸回沙不盡日映水成空天
樂流香閣蓮舟颺晚風恭陪竹林宴留醉與陶公

趙都護宅宴別

盧象

結客候旌麾元戎復在斯門開都護府兵動羽林兒
黠虜多翻覆謀臣有別離智同天所受恩共日相隨漢使
開賓幕胡笳送酒卮風霜迎馬首雨雪事魚麗上策應
無戰深情屬載馳不應行萬里明主寄安危

濟陽過趙叟家宴

王維

雖與人境接閉門成隱居道言莊叟事儒行魯人餘深
巷斜暉靜閒門高柳疎荷鋤修藥圃散帙曝農書上客
搖芳翰中厨饋野蔬夫君第高飲景晏出林間

與盧象集朱家

前人

主人能愛客終日有逢迎賞得新豐酒復聞秦女箏柳

條踈客舍槐葉下秋城語笑且為樂吾將達此生

梁州陪趙行軍龍岡寺北庭泛舟宴王侍郎

得長字

岑參

誰宴霜臺使行軍粉署郎唱歌江鳥沒吹笛岸花香酒
影搖新月灘聲聒夕陽江鍾將已暮歸棹綠川長

宴王使君宅題二首

杜甫

漢主追韓信蒼生起謝安吾徒自飄泊世事各艱難逆
旅招要近他鄉意緒寬不才甘朽質高卧豈泥幡

其二

汎愛容霜鬢留歡卜夜關自吟詩送老相勸酒開顏戎

馬今何地鄉園獨在山江湖墮清月酩酊任扶還

上巳日徐司隸林園宴集 前人

鬢毛垂領白花葢亞枝紅歌倒衰年廢招尋令節同薄
衣臨積水吹面受和風有喜留攀桂無勞問轉蓬

陪章侍御宴南樓得風字 前人

絕域長夏晚茲樓清宴同朝廷燒棧北鼓角漏天東屢
食將軍第仍騎御史驄本無丹竈術那免白頭翁寇盜
狂歌外形骸痛飲中野雲低度水簷雨細隨風出號江
城黑題詩蠟燭紅此身醒復醉不擬哭途窮

曲江陪鄭八南史飲 前人

雀啄江頭黃柳花鷓鴣滿晴沙自知白髮非春事
且盡芳尊戀物華近侍即今難浪迹此身那得更無家
丈人才力猶強健豈傍青門學種瓜

早春陪崔中丞浣花溪宴得暄字

張謂

旌節臨溪口寒郊斗覺暄紅亭移酒席畫鷁逗江村雲
帶歌聲颺風飄舞袖翻花間催秉燭川上欲黃昏

燕鄭伯璵宅 前人

正月風光好逢君上翠微曉風吹鳥轉春雪帶花飛堂
上吹金管庭前試彩衣俸錢供酒價行子未須歸

郡南亭子宴

前人

亭子春城外朱門向綠林柳枝經雨重松色帶煙深
酒迎山客穿池集水禽白雲常在眼聊足慰人心

春園家宴

前人

南園春色正相宜少婦同行少婦隨竹裏登樓人不見
花間覓路鳥先知櫻桃解結垂簷子楊柳能低入戶枝
山簡醉來歌一曲參差笑殺郢中兒

宴吳王宅

祖訓

吳王承國寵列第禁城東連夜徵詞客當春試舞童
砌分池水岸窓度竹林風更待西園月金尊樂未終

清川口宴張司勳劉郎中別業

前人

田家復近臣行樂不違親霽日園林好清明煙火新
以文常有會唯德自成鄰池沼窓陰晚杯觴樂味春
簷前花覆地竹外鳥窺人何必桃源裏深居作隱淪

晦日陪辛大夫宴南亭

劉長卿

月晦逢休澣年光逐宴移早鶯留客醉春日為人遲
萱草全無葉梅花遍壓枝政閒風景好莫比峴山時
同朱公表郎中宴筵喜加章服

前人

手詔來廷上腰金向粉闈勳名傳舊閣蹈舞着新衣白
社同遊在滄洲此會稀寒笳發後殿秋草送西歸世難
常摧敵間時已息機魯連功可讓千載一相揮

惠福寺與陳留諸官茶會得西字

前人

到此機事遣自嫌塵網迷因知萬法幻盡與浮雲齊疎
竹映高枕空花隨杖藜香飄諸天外日隱雙林西傲吏
方見狎真僧幸相携能令歸客意不復還東溪

春日宴魏萬成湘水亭

前人

何年家住此江濱幾度門開北渚春白髮亂生相顧老

黃鶯自語豈知人

郡齋雨中與諸文士宴集 韋應物

兵衛森畫戟宴寢凝清香海上風雨至逍遙池閣涼煩
痾近消散嘉賓復滿堂自慙居處崇未覩斯民康理會
是非遣性達形迹忘鮮肥屬時禁蔬果幸見嘗俯飲一
杯酒仰聆金玉章神歡體自輕意欲凌風翔吳中盛文
史羣彥今汪洋方知大藩地豈曰財賦疆

宴李錄宅

前人

與君十五侍皇闈曉拂爐煙上玉墀花開漢苑經過處
雪下驪山沐浴時近臣零落今誰在仙鶴飄颻不可期

人事部
卷六
此日相逢思舊日一杯成喜亦成悲

陪考功王員外城東池亭宴

錢起

無雙錦帳郎絕景有池塘鶴靜踈群羽蓮開失衆芳青
山看不厭流水趣何長日晚催歸騎鍾聲下德陽

太子李舍人城東別業與二三文友逃暑

前人

下馬失炎暑重門深綠篁宮臣禮嘉客林表開蘭堂茲
日興難盡澄壘照墨場東陵晚來好日極趣何長鳥道
挂踈雨人家殘夕陽城隅擁歸騎留醉戀瓊芳

春陪郭常侍宴滄水山池 前人

掖垣携愛客勝地賞年光向竹遇賓館尋山到妓堂歌
聲掩金谷舞態出平陽池滿簪裾影花添蘭麝香鶯啼
春未老酒冷日猶長安石風流事須歸騎省郎

陪郭常侍令公東亭宴集 前人

盛業山河列重名劔履榮珥貂為相子開閣引時英美
景池臺色佳期宴賞情詞人載筆至仙妓出花迎暗竹
朱輪轉回塘玉珮鳴舞衫招戲蝶歌扇隔啼鶯飲德心
皆醉披雲興轉清不愁歡樂盡積慶在和羹

春日陪兩省諸公宴張舍人宅

即士元

懶尋芳草徑來接待侍臣筵
山色知殘雨墻陰覺晚天
鶯啼漢宮柳花隔杜林煙
地與東城接春光醉目前

春宴王起城東別業

前人

柳陌乍隨洲勢轉
花源忽傍竹陰開
能令瀑水清人境
直取流鶯送酒杯
山下古松當綺席
簷前片雨滴春苔
地主同聲復同舍
留連不畏夕陽催

與從弟正字從兄兵曹宴集林園

李嘉祐

竹窻松戶有佳期
美酒香茶慰所思
輔嗣外甥還解易

惠連群從摠能詩
簷前花落春深後
谷口鶯啼日暮時
去路歸家仍待月
垂韁不控馬行遲

晚春宴無錫蔡明府西亭

前人

茅簷閑寂寂無事
覺人和井近
時澆圃城低下見
河興緣芳草積情
向遠峰多別日
歸吳地停撓更一過

秋晚招隱寺東峰茶宴

前人

萬畦新稻傍山村
數里深松到寺門
幸有香茶留釋子
不堪秋草送王孫
煙塵怨別唯愁隔
井邑蕭條誰忍論
莫恠臨岐獨垂淚
魏舒偏念外家恩

春日喜雨奉陪侍中宴白鶴樓

盧綸

鸛鶴相呼綠野寬
鼎臣閒倚玉欄干
洪河擁沫流仍急
蒼嶺和雲色更寒
艷艷風光呈瑞歲
泠泠歌頌振瑀盤
今朝醉舞同鄉老
不覺頻傾獬豸冠

江鄉故人偶集客舍

戴叔倫

天秋月又滿
城闕夜千重
還作江南會
翻疑夢裏逢
風枝鳴暗鵲
露草覆寒蛩
羈旅長堪醉
相留畏曉鍾

奉陪李大夫九日龍沙宴會得遲字

權德輿

蘓少重九會千騎
駐旌旗
水木秋光淨
絲桐雅奏遲
煙

蕪歛暝色霜菊發
寒枝今日從公醉
全勝落帽時

寒食內宴二首

張籍

朝光瑞氣滿宮樓
綵燾魚龍四面稠
廊下玉厨分冷食
殿前香騎逐飛毬
千官盡醉猶教坐
百戲皆呈亦未休
共喜拜恩侵夜出
金吾不敢問行遊

其二

城闕沉沉向曉寒
恩當冷節賜餘歡
瑞煙深處開三殿
香雨微時引百官
寶樹樓前分繡幙
綵花廊下映朱欄
宮筵戲樂年年別
已得三迴對御看

與諸同年賀座主侍郎新拜太常同宴蕭尚

書亭子座主於蕭下及第得群字

白居易

寵新卿典禮會盛客徵文不失遷鶯侶因成賀燕群池
臺晴間雪冠蓋暮如雲共仰曾攀處年深桂尚薰

東都冬日會諸同年宴鄭家林亭得先字

前人

盛時陪上第暇日會群賢桂折應同樹鶯遷各異年賓
階紛組綬妓席儼花鈿促膝齊榮賤差有次後先助歌
林下水銷酒雪中天他日昇沉者無忘共此筵

○春夜韋明府宅宴賦得春字

駱賓王

酌桂陶芳夜披薜笈幽人雅琴馴魯雉清歌落范塵宿
雲低迥蓋殘月正虛輪幸此承恩洽聊當故鄉人

初夜宴得風字

前人

千里風雲契一朝心賞同意盡通家洽神靈俗累空草
帶銷寒翠花缸飲夜紅唯將淡若水長揖古人風

夜集張諲所居

劉希夷

江南成久客門館日蕭條唯有圖書在多傷髮髮凋諸
生陪講席稚子給漁樵隱室寒燈淨空階落葉飄滄洲
自有趣誰道隱須招

幽州夜飲

張說

涼風吹夜雨，簫瑟動寒林。正有高堂宴，能忘遲暮心。軍中宜劔舞，塞上重笳音。不作邊城將，誰知恩遇深。

夕宴房主簿舍

前人

歲晏關雍空，風急河渭冰。薄遊羈物役，微尚愜遠憑。旅館月宿永，閉扃雲思興。伊人美修夜，朋酒惠來稱。交談既清雅，琴吹亦淒凝。不逢君蹇澗，幽意長鬱蒸。

寒夜張明府宅宴

孟浩然

瑞雪初盈尺，開宵始半更。列筵邀酒伴，刻燭限詩成。香炭金爐暖，嬌絃玉指清。醉來方欲卧，不覺曉雞鳴。

雲陽驛陪崔使君邵道士夜飲

張子容

一尉東南遠，誰知此夜歡。諸侯傾皂蓋，仙客整黃冠。染翰燈花滿，飛觴雲氣寒。欣承國士遇，更借美人看。

陪宋中丞武昌夜飲懷古

李白

清景南樓夜，風流在武昌。庾公愛秋月，乘興坐胡床。龍笛吹寒水，天河落晚霜。我心還不淺，懷古醉餘觴。

夜飲左氏莊

杜甫

風林纖月落，衣露淨琴張。暗水流花逕，春星帶草堂。檢書燒燭短，看劍引杯長。詩罷聞吳詠，扁舟意不忘。

夜宴同用人字

張謂

北斗回新歲東園值早春竹風能醒酒花月解留人
邑宰陶元亮山家鄭子真平生頗同道相見日相親

西庭夜宴喜評事兄拜命 劉長卿

猶是南州吏江城又一春隔簾湖上月對酒眼中人
棘寺初銜命梅仙已誤身無心羨榮祿唯待却垂綸

秋夜與梁鎰文宴

錢起

客到衡門下杯香蕙草時和風能自至明月不須期
秋水翻荷影清霜脆柳枝微官是何物可許廢言詩

早春夜集耿拾遺宅

李端

如何逋客會忽在侍臣家新草猶停雪寒梅未稱花
銜杯雞欲唱逗月鴈應斜年齒俱憔悴誰堪故國賒

春夜皇甫冉宅飲酒

張繼

流落時相見悲歡共此情興因尊酒洽愁為故人輕
暗滴花垂露斜暉月過城那知橫吹笛江外作邊聲

華州夜宴庾侍郎宅

前人

世故他年別心期此夜同千峰孤燭外片雨一更中
酒客逢山簡詩人得謝公自憐驅匹馬拂曙向關東

殷卿宅夜宴

張南史

日暗城烏宿天寒櫪馬嘶詞人留上客妓女出中閨
積

雪連燈照迴廊映竹迷太常今夜宴誰不醉如泥

丁評事宅秋夜宴集 柳中庸

翠幙卷迴廊銀燈開後堂風驚擁砌葉月冷滿庭霜綺
席人將醉繁絃夜未央共憐今促席誰道客愁長

夜宴 温庭筠

孔雀眠高樹櫻桃拂短簷盡明金冉冉語玉纖纖細
雨無妨燭輕寒不隔簾莫將紅錦段因夢與江淹

奉陪相公西亭夜宴陸郎中 崔備

賓閣玳筵開通宵逝玉杯塵隨歌扇起雲逐舞衣迴剪

燭清光發添香暖氣來令君敦宿好更為一徘徊

又 盧士正

華堂良宴開星使自天來舞轉朱絃逐歌餘素扇迴水
光凌曲檻夜色霜高臺不在賓階末何由接上台以上宴集

○王侍中夜集 吳均

抽蘭開石路剪竹製山扉文淪見綠水參差隱翠微西
商採藥至東都謝病歸紡毛織野服縫芟作山衣欲知
三青鳥簷上素雲飛

喜祖三至留宿 王維

門前洛陽客下馬拂征衣不枉故人駕平生多掩扉行

人返深巷積雪帶餘暉
早歲同袍者高車何處歸
河南嚴尹弟見宿敞廬訪別命賦十韻

前人

上客能論道吾生學養蒙
貧交世情外才子古人中
冠上方安豸車邊已畫熊
拂衣迎五馬垂手凭雙童
花醪和松屑茶香透竹叢
薄霜澄夜月殘雪帶春風
古壁蒼苔黑寒山遠燒紅
眼看東候別心事北川同
若學輕先輩何能訪老翁
欲知今日後不樂為車公

宿陳留李少府揆廳

祖詠

相知有叔卿訟簡夜彌清
旅宿倦愁卧空堂聞曙更風

簷搖竹影秋雨帶虫聲
歸思那堪說悠悠恨洛城

宿王昌齡隱居

常建

青溪深不測隱處唯孤雲
松際露微月清光猶為君
茆庭宿花影藥院滋苔文
余亦謝時去西山鸞鶴群

宿畢侍御宅

錢起

交情貧更好子有古人風
晤語清霜裏平生苦節同心
唯二仲合室乃一瓢空
落葉寄秋菊愁雲低夜鴻
薄寒燈影外殘漏雨聲中
明發南山去回看御史驄

秋夜宿嚴維宅

皇甫冉

昔聞玄度宅門向會稽城
君住東湖下清風繼舊蹤
秋

深臨水月夜半隔山鍾世故多離別良宵詎可逢

同韓員外宿雲門寺

嚴維

小嶺路雖近仙郎此夕過潭空觀月定澗靜見雲多竹
翠煙深色松聲雨點和萬緣俱不有對境自垂蘿

謝盧十一過宿

前人

乞還方未遂日夕望雲林况復逢春草何妨問此心閉
門公務散枉策故情深靜夜他鄉酒同君梁甫吟

宿江西竇主簿廳與此公亡兄聯官

崔峒

廣庭方緩步星漢話中移月滿關山道烏啼桑樹枝時

艱難會合年長重親知前事成金石悽然淚欲垂

冬夜宿司空曙野居因寄酬贈

韋應物

南山與山鄰蓬居庇一身繁霜疑有雪荒草似無人遂
性在耕稼所交唯賤貧何緣張掾傲每重德璋親

吳明府自遠而來留宿敝居

戴叔倫

出門迎故友衣服滿塵埃歲月不可問山川何處來綺
城容敝宅散職寄虛臺願此留君醉相逢知幾回

與故人夜坐道舊

權德輿

笑語歡今夕煙霞愴昔遊清羸還對月遲暮更逢秋勝
理方自得浮名不在求終當製初服相與卧林丘

夏夜宿表兄宅話舊

竇叔向

夜合花開香滿庭夜深微雨醉初醒遠書珍重何由達
舊事淒涼不可聽去日兒童皆老大昔年親友半凋零
明朝又是孤舟別愁見河梁酒幔青

晚秋宿李軍道所居

釋皎然

清溪路不遙都尉每相招落日休戎馬秋風罷射鵰木
花生野徑栢實滿寒條永夜依山府禪心共寂寥

宿支硎寺上方

前人

上方精舍遠共宿白雲端寂寞千峰靜蕭條萬木寒山
光露下見松色月中看暫與西林別歸心却欲闌

晦夜李侍御萼宅集招潘述陽衡上人飲茶

前人

晦夜不可坐琴軒猶為開墻東隱者在淇上逸僧來客
愛梅花飲詩看卷素裁風流高此會曉景屢徘徊

喜外弟盧綸訪宿

司空曙

靜夜四無鄰荒居舊業貧雨中黃葉樹燈下白頭人以
我獨沉久媿君相見頻平生自有分况是霍家親

同苗員外宿薦福常師房

前人

浮生共多故聚宿喜君同人息時聞磬燈搖乍有風霜
堦疑水際夜木似山中一願持如意長來事遠公

耿漳就宿因傷故人

前人

舊時聞笛淚此夜重沾衣方恨同袍少何堪相見稀竹
煙疑澗壑林雪似芳菲多謝勞車馬應憐獨掩扉

中秋與空上人同宿華嚴寺

冷朝陽

掃榻相逢宿論詩舊梵宮磬聲迎鼓盡月色過山窮庭
簇安禪草窓飛帶火虫一宵何惜別回首隔秋風

宿興善寺後堂池

李端

上方精舍遠共宿白雲端寂寞千峰靜蕭條萬木寒山
光露下見松色月中看暫與西林別歸心却欲闌

晦夜李侍御萼宅集招潘述陽衡上人飲茶

前人

晦夜不可坐琴軒猶為開墻東隱者在淇上逸僧來客
愛梅花飲詩看卷素裁風流高此會曉景屢徘徊

喜外弟盧綸訪宿

司空曙

靜夜四無鄰荒居舊業貧雨中黃葉樹燈下白頭人以
我獨沉久媿君相見頻平生自有分况是霍家親

同苗員外宿薦福常師房

前人

浮生共多故聚宿喜君同人息時聞磬燈搖乍有風霜
堦疑水際夜木似山中一願持如意長來事遠公

耿漳就宿因傷故人

前人

舊時聞笛淚此夜重沾衣方恨同袍少何堪相見稀竹
煙疑澗壑林雪似芳菲多謝勞車馬應憐獨掩扉

中秋與空上人同宿華嚴寺

冷朝陽

掃榻相逢宿論詩舊梵宮磬聲迎鼓盡月色過山窮庭
簇安禪草窓飛帶火虫一宵何惜別回首隔秋風

宿興善寺後堂池

李端

草堂高樹下月向後池生野客同僧靜新荷共水平錦
鱗沉不食繡羽亂相鳴即事思江海誰能萬里行

秋夜宿梁十三廳事

戎昱

今來秋已暮還恐未成歸夢裡家仍遠愁中葉又飛竹
聲風度急燈影月來微得見梁夫子心源有所依

洛下夜會寄賈島

姚合

洛下工詩客相逢只是吟夜觴懽稍靜寒屋坐多深烏
府偶為吏滄江長在心懷君難就寢燭滅復星沉

以上宿會

○江上暫別蕭四劉三旋欣接遇

陳子昂

昨夜滄江別言乘天漢遊寧期此相遇尚接武陵洲結
綬還逢育銜孟且對劉波潭一瀾瀾臨望幾悠悠山水
丹青雜煙雲紫翠浮終愧神仙友來接野人舟

遇荊州崔兵曹使

前人

輜軒鳳凰使林藪鷓鴣冠江湖一相許雲霧坐交懽興
盡崔亭伯言忘釋道安秋光稍欲暮歲物已將闌古樹
蒼煙斷虛庭白露寒琴中山水曲今日為君彈

遇崔司議泰之冀侍御珪二使

前人

謝病南山下幽卧不知春使星入東井云是故交親惠

風吹寶瑟微月憶清真憑軒一留醉江海寄情人

除夜樂城逢孟浩然

張子容

遠客襄陽郡來過海伴家尊開栢葉酒燈發九枝花妙
曲逢盧女高才得孟嘉東山行樂意非是競繁華

若耶溪逢孔九

綦毋潛

相逢此溪曲勝托在煙霞潭影竹間動岩陰簷外斜人
言上皇代犬吠武陵家借問淹留日春風滿若耶

鄭果州相遇

王維

麗日照殘春初晴草木新牀前磨鏡客樹裏灌園人五
馬驚窮巷雙童逐老身中厨辦麤飯常恐阮家貧

穆陵關北逢人歸漁陽

劉長卿

逢君穆陵路匹馬向桑乾
楚國蒼山古幽州白日寒
城池百戰後蒼舊幾家殘
處處蓬蒿遍歸人掩淚看

長安逢故人

郎士元

數年音信斷不意在長安
馬上相逢久人中欲認難
一官今懶道雙鬢竟羞看
莫問生涯事只應持釣竿

逢莊訥因贈

皇甫冉

世故還相見天涯共向東
春歸江海上人老別離中
郡吏名何晚沙鷗道自同
甘泉須早獻且莫嘆飄蓬

渭上逢李藏器移家東郡

耿漳

求名須有援學稼又無田
故國三千里新春五十年
移家還作客僻地莫知賢
東路今何處風颿去渺然

巴陵郭逢洛陽故人

前人

因君知世事流浪已忘機
久客多人識高年衆病歸
連雲湖色遠度雪鴈聲稀
又說家林盡悽傷淚滿衣

漢南遇方評事

戴叔倫

移家住漢陰不復問華簪
蕢酒宜城近燒田夢澤深
暮山逢鳥入寒水見魚沉
與物皆無累終年愜本心

京口逢皇甫司馬副端

前人

潮水忽復至雲帆儼欲飛
故園雙闕下佐宦十年歸
晚

景照華髮涼風吹別衣淹留更一醉老去莫相違

汝南逢董校書

前人

擾擾倦行役相逢陳蔡間如何百年內不見一人間對
酒惜餘景問程愁亂山秋風萬里道又度穆陵關

逢江客問南中故人因以詩寄

司空曙

南客何時去相逢問故人望鄉空淚落嗜酒轉家貧踈
懶辭微祿東西任老身上樓多看月臨水共傷春五柳
終期隱雙鷗自可親應憐折腰吏冉冉在風塵

江上逢司空曙

李端

共有髫年故相逢萬里餘新春兩行淚故國一封書夏
口帆初泊衡陽鴈正踈唯應執杯酒暫食漢江魚

逢張十八員外籍

白居易

旅思正茫茫相逢此路旁晚嵐林葉暗秋露草花香白
髮江城守青衫水部郎客亭同宿處忽似夜歸鄉

嶺表逢故人

張籍

過嶺萬餘里旅遊經此稀相逢去家遠共說幾時歸海
上見花發瘴中無鴈飛炎州望鄉伴相識北人衣

夜行次東關逢魏扶東歸 許渾

南北斷蓬飄長亭酒一瓢殘雲歸太華踈雨過中條樹

色隨關迥河聲入塞遙勞歌此分首風急馬蕭蕭
以上逢遇

苑詩類選卷之十六



全書

卷之六

三

